

FFERM WYNT ALLTRAETH AWEL Y MÔR

ADRAN 56, DEDDF CYNLLUNIO 2008

RHEOLIAD 9 CYNLLUNIO SEILWAITH (CEISIADAU: FFURFLENNI A GWEITHDREFNAU RHAGNODEDIG) RHEOLIADAU 2009

GORCHYMYN FFERM WYNT ALLTRAETH AWEL Y MÔR

HYSBYSIAD O DDERBYN CAIS AM ORCHYMYN CYDSYNIAD DATBLYGU ("DCO")

Hysbysir drwy hyn bod yr Ysgrifennydd Gwladol dros Fusnes, Ynni a Strategaeth Ddiwydiannol wedi derbyn cais gan **Fferm Wynt Alltraeth Awel y Môr Cyfyngedig (yr "Ymgeisydd")** o Windmill Hill Business Park, Whitehill Way, Swindon, Wiltshire, Y Deyrnas Unedig, SN5 6PB am Orchymyn Cydsyniad Datblygu ("DCO") o dan Ddeddf Cynllunio 2008 ("y Cais"). Cyflwynodd yr Ymgeisydd y Cais i'r Ysgrifennydd Gwladol D/O yr Arolygiaeth Gynllunio ("PINS") ar 20/04/2022 a chafodd ei dderbyn ar 18/05/2022. Mae'r Arolygiaeth Gynllunio wedi nodi'r cyfeirnod canlynol ar gyfer y cais: EN010112.

Mae'r Cais yn ymwneud ag adeiladu, gweithredu, cynnal a chadw a datgomiysu fferm wynt alltraeth sydd oddeutu 10 cilometr oddi ar arfordir Gogledd Cymru ym Môr Iwerddon; gan gynnwys hyd at 50 o gynhyrchwyr tyrbinau gwynt a seilwaith cysylltiedig sy'n gwneud glanfa yn Nhraeth Ffrith, i'r dwyrain o'r Rhyl, ac yn Sir Ddinbych, gosod ceblau tanddaearol ac adeiladu is-orsaf drydanol a seilwaith cysylltiedig er mwyn cysylltu'r datblygiad ag is-orsaf bresennol y Grid Cenedlaethol ym Modelwyddan (y "Prosiect").

Bydd y Gorchymyn Cydsyniad Datblygu arfaethedig yn awdurdodi gwaith adeiladu, gweithredu a datgomiysu'r elfennau ar y môr ac ar y tir, ymhlith pethau eraill, i gyflenwi fferm wynt alltraeth sy'n cynnwys: gorsaf gynhyrchu tyrbinau gwynt alltraeth gyda chapasiti allbwn trydan gros o dros 350 megawatt, sy'n cynnwys hyd at 50 o eneraduron tyrbinau gwynt gyda sylfeini cysylltiedig, diamedr rotor o 306m ar y mwyaf ac uchder i'r brig o 332m uwchlaw Penllanw Cymedrig y Gorllanw (MHWS) ar y mwyaf; hyd at ddau blatfform is-orsaf alltraeth gyda sylfeini cysylltiedig; un mast metrolegol gyda sylfeini cysylltiedig, bwiau LiDAR a bwiau angori a bwiau mordwyo; gosod cebl o dan y môr (hyd at 10km o hyd) ar Fferm Wynt Alltraeth Gwynt y Môr; rhwydwaith o geblau rhyng-arâe (hyd at 116km o hyd) o dan y môr, gan gynnwys diogelu ceblau, cysylltu'r tyrbinau gwynt â'i gilydd ac â phlatfformau'r is-orsaf alltraeth, gan gynnwys croesfannau ceblau; hyd at ddwy gylched ceblau o dan y môr gan gynnwys croesfannau ceblau, diogelu ceblau, o blatfformau'r is-orsafoedd alltraeth i'r traeth, gyda chyfanswm hyd y cebl oddeutu 70km; argaeau coffr a gwaith gosod heb ddefnyddio ffosydd ar y lanfa; a gosod deunyddiau i atal erydu, yn ôl yr angen, ar gyfer sylfeini a cheblau.

Mae elfennau ar y tir yn cynnwys: baeau uno i gysylltu'r ceblau alltraeth a'r ceblau ar y tir yn y Rhyl; hyd at ddwy gylched ceblau wedi'u claddu o'r baeau uno trosiannol yn y Rhyl o dan yr A525, Afon Clwyd, yr A547 a'r A55 i is-orsaf drydanol newydd i'r gorllewin o Barc Busnes Llanelwy ym Modelwyddan, gan gynnwys pibelli ceblau, uniadu a gwaith gosod heb ddefnyddio ffosydd a chompowndiau adeiladu dros dro a mynedfeydd cysylltiedig; adeiladu is-orsaf drydanol newydd ym Modelwyddan, ynghyd ag offer cysylltiedig, mynedfeydd, tirweddu a chompownd adeiladu dros dro; a hyd at ddwy gylched geblau 400kV wedi'u claddu sy'n cysylltu'r is-orsaf newydd ag is-orsaf y National Grid ym Modelwyddan, gan gynnwys pibellau ceblau, uniadau a gwaith gosod heb ffosydd.

Byddai'r Gorchymyn Cydsyniad Datblygu hefyd yn awdurdodi caffael tir yn orfodol, buddiannau mewn tir a hawliau dros dir, a'r pŵer i ddefnyddio tir yn barhaol a dros dro ar gyfer adeiladu, gweithredu, cynnal a chadw a datgomiysu fferm wynt alltraeth gan gynnwys: caffael tir a/neu hawliau'n barhaol ac yn orfodol ar gyfer y Prosiect; diystyru hawddfreintiau a hawliau eraill dros dir y Prosiect neu sy'n effeithio ar dir y Prosiect; cymhwyso a/neu ddatgymhwyso deddfwriaeth sy'n berthnasol i'r Prosiect gan gynnwys, *inter alia*, deddfwriaeth sy'n ymwneud â chaffael orfodol; manau adeiladu a ffyrdd mynediad dros dro, ynghyd â gwaith i sicrhau mynediad i gerbydau a/neu i gerddwyr ar gyfer y Prosiect, gan gynnwys addasiadau i bontydd a thynnu ac adfer grwynau; ac unrhyw ddarpariaethau ategol, achlysurol a chanlyniadol, trwyddedau a chaniatadau o'r fath ag sy'n angenrheidiol a/neu'n gyfleus.

Mae'r Prosiect yn Ddatblygiad Asesu'r Effaith Amgylcheddol ('EIA') fel y'i diffinnir o dan Reoliadau Cynllunio Seilwaith (Asesu'r Effeithiau Amgylcheddol) 2017. Yn unol â hynny, mae Datganiad Amgylcheddol ("ES") yn cyd-fynd â'r Cais, a fydd ar gael i'w archwilio'n rhad ac am ddim, ynghyd â'r ffurflen gais a'r dogfennau cysylltiedig, gan gynnwys Crynodeb Annhechnegol (NTS) y Prosiect, a chynlluniau a mapiau sy'n dangos lleoliad y datblygiad arfaethedig, drwy dudalen y prosiect ar wefan cynllunio seilwaith cenedlaethol yr Arolygiaeth Gynllunio o dan y tab "Dogfennau": <https://infrastructure.planninginspectorate.gov.uk/cy/projects/ferm-wynt-alltraeth-awel-y-mor/>. Bydd y dogfennau cais yn aros ar wefan PINS tan o leiaf ddiwedd y cyfnod sylwadau perthnasol ar 6 Gorffennaf 2022.

Yn ogystal â hyn, gallwch hefyd gael gafael ar y dogfennau hyn yn ddigidol am ddim, yn y lleoliadau canlynol sydd wedi'u nodi yn y tabl isod, hefyd drwy wefan PINS sydd wedi'i rhestru uchod, a than o leiaf ddiwedd y cyfnod cynrychiolaeth perthnasol ar 6 Gorffennaf 2022. Edrychwch ar wefan y lleoliad ymlaen llaw i gadarnhau'r oriau agor ac unrhyw ofynion archebu a allai fod eu hangen i gael gafael ar y dogfennau'n ddigidol ar y cyfrifiaduron sydd ar gael.

Lleoliad	Cyfeiriad	Oriau agor
Sir Ddinbych	Llyfrgell Prestatyn: Rhodfa'r Brenin, Prestatyn LL19 9LH, y DU	https://www.denbighshire.gov.uk/cy/hamdden-a-thwristiaeth/llyfrgelloedd/prestatyn.aspx
	Llyfrgell y Rhyl: 11A Stryd yr Eglwys, Y Rhyl LL18 3AA, y DU	https://www.denbighshire.gov.uk/cy/hamdden-a-thwristiaeth/llyfrgelloedd/y-rhyl.aspx
	Llyfrgell Rhuddlan: 9 Coetiau Postol, Rhuddlan, Y Rhyl LL18 2UE, y DU	https://www.denbighshire.gov.uk/cy/hamdden-a-thwristiaeth/llyfrgelloedd/rhuddlan.aspx
	Llyfrgell Llanelwy: Y Llyfrgell, Y Roe, Llanelwy LL17 0LU, y DU	https://www.denbighshire.gov.uk/cy/hamdden-a-thwristiaeth/llyfrgelloedd/llanelwy.aspx
Sir y Fflint	Llyfrgell Treffynnon: Canolfan Hamdden Treffynnon, North Road, Treffynnon, Sir y Fflint, CH8 7UZ, Sir y Fflint	https://aura.cymru/llyfrgell-treffynnon/
Conwy	Llyfrgell Bae Colwyn: Ffordd Coetir Orllewinol, Bae Colwyn LL29 7DH	https://www.conwy.gov.uk/cy/Resident/Libraries-Museums-and-Archives/Libraries/Libraries-and-opening-times/Colwyn-Bay-Library.aspx
	Llyfrgell Llandudno: 48 Stryd Mostyn, Llandudno LL30 2RP	https://www.conwy.gov.uk/cy/Resident/Libraries-Museums-and-Archives/Libraries/Libraries-and-opening-times/Llandudno-Library.aspx
	Llyfrgell Abergele: Stryd y Farchnad, Abergele LL22 7BP	https://www.conwy.gov.uk/cy/Resident/Libraries-Museums-and-Archives/Libraries/Libraries-and-opening-times/Abergele-Library.aspx
	Llyfrgell Llanfairfechan: Village Rd, Llanfairfechan LL33 0AA	https://www.conwy.gov.uk/cy/Resident/Libraries-Museums-and-Archives/Libraries/Libraries-and-opening-times/Llanfairfechan-Library.aspx
Gwynedd	Llyfrgell Gyhoeddus Bangor: Ffordd Gwynedd, Bangor LL57 1DT	https://www.gwynedd.llyw.cymru/cy/Trigolion/Llyfrgelloedd-ac-archifau/Eich-llyfrgell-leol/Llyfrgell-Bangor.aspx
Ynys Môn	Llyfrgell Porthaethwy: Ffordd y Ffair, Porthaethwy LL59 5AS, y Deyrnas Unedig	https://www.ynysmon.llyw.cymru/cy/Trigolion/Llyfrgelloedd/Chwilio-am-fy-llyfrgell-leol/Llyfrgell-Porthaethwy.aspx
	Llyfrgell Biwmares: Grammar School Lane, Biwmares LL58 8AL	https://www.ynysmon.llyw.cymru/cy/Trigolion/Llyfrgelloedd/Chwilio-am-fy-llyfrgell-leol/Llyfrgell-Biwmares.aspx

Os oes angen dulliau eraill arnoch i archwilio'r Datganiad Amgylcheddol neu unrhyw rannau eraill o ddogfennau'r cais, neu os oes gennych unrhyw ymholiadau ynghylch cael gafael ar ddogfennau, ffoniwch yr Ymgeisydd ar: 0800 197 8232 neu anfonwch neges e-bost at: awelymor@rwe.com.

Mae'r Ymgeisydd hefyd yn gallu rhoi arweiniad ar gael mynediad at unrhyw rai o ddogfennau'r cais gan ddefnyddio gwefan yr Arolygiaeth Gynllunio neu gall ddarparu cof bach am ddim, sy'n cynnwys unrhyw rannau o ddogfennau'r cais, dim ond i chi ofyn. Gellir darparu copïau caled o'r Crynodeb Annhechnegol hefyd yn rhad ac am ddim, dim ond i chi ofyn, yn ystod y cyfnod cofrestru. Codir uchafswm ffi o £8,000 a TAW am ddarparu copïau caled o'r Datganiad Amgylcheddol, er mwyn talu am y costau argraffu a phostio.

Caiff unrhyw berson gofrestru fel Parti â Diddordeb drwy gyflwyno Sylwadau Perthnasol ar y Cais yn ystod y cyfnod cyflwyno sylwadau. Rhaid eu cyflwyno'n uniongyrchol i'r Arolygiaeth Gynllunio (gan roi gwybod i bob pwrpas am unrhyw fuddiant yn y Cais neu wrthwynebiad iddo). Rhaid i unrhyw Sylwadau Perthnasol gael eu cyflwyno ar y ffurflen gofrestru ofynnol a ddarperir gan yr Arolygiaeth Gynllunio, a rhaid cynnwys enw, cyfeiriad a rhif ffôn y parti, ynghyd â chrynodeb o'r prif bwyntiau sy'n nodi ar ba sail y mae'n cyflwyno'r sylwadau. Cyfeiriwch at y cyngor manwl a roddwyd gan yr Arolygiaeth Gynllunio ynghylch y broses hon, yn ei *Nodyn Cyngor 8.2: Sut mae Cofrestru i Gymryd Rhan Mewn Archwiliad*, sydd ar gael ar-lein yma: [Nodyn Cyngor 8.2: Sut mae Cofrestru i Gymryd Rhan Mewn Archwiliad | Cynllunio Seilwaith Cenedlaethol \(planninginspectorate.gov.uk\)](https://planninginspectorate.gov.uk/cy/projects/fferm-wynt-alltraeth-awel-y-mor/)

Rhaid llenwi ffurflen gofrestru'r Arolygiaeth Gynllunio, sydd ar gael ar-lein ar dudalen y prosiect ar wefan yr Arolygiaeth Gynllunio, yma: <https://infrastructure.planninginspectorate.gov.uk/cy/projects/fferm-wynt-alltraeth-awel-y-mor/>

Cysylltwch â'r Arolygiaeth Gynllunio yn uniongyrchol i gael unrhyw gopïau caled o ffurflenni Cofrestru, drwy ffonio **0303 444 5000**, a rhoi enw'r Cais a chyfeirnod yr Arolygiaeth Gynllunio: EN010112. Gellir cyflwyno copi caled wedi'i lenwi i'r Arolygiaeth Gynllunio yn y cyfeiriad canlynol:

The Planning Inspectorate (PINS)
Temple Quay House
Temple Quay
BRISTOL
BS1 6PN

Cofiwch ddyfynnu cyfeirnod yr Arolygiaeth Gynllunio - EN010112 - ym mhob gohebiaeth â'r Arolygiaeth Gynllunio ynghylch y Cais hwn.

Sylwch y bydd yr holl sylwadau a gyflwynir yn cael eu cyhoeddi ar wefan yr Arolygiaeth Gynllunio a byddant yn rhwym wrth ei pholisi preifatrwydd, sydd ar gael yma: <https://www.gov.uk/government/publications/planning-inspectorate-privacy-notice/customer-privacy-notice>

Gellir cyflwyno sylwadau perthnasol i'r Arolygiaeth Gynllunio hyd at ac yn cynnwys 6 Gorffennaf 2022.

Gallwch gael rhagor o wybodaeth am y Cais gan dîm prosiect Awel y Môr yn RWE Renewables UK, drwy'r manylion a ddarperir isod:

Post: Awel y Môr Offshore Wind Farm
RWE Renewables UK
Windmill Hill Business Park
Whitehill Way
Swindon
Wiltshire
SN5 6PB

E-bost: awelymor@rwe.com

Rhif ffôn: 0800 1978232

<https://infrastructure.planninginspectorate.gov.uk/cy/projects/fferm-wynt-alltraeth-awel-y-mor/>

[30 Mai 2022]